



Communicaziun a las medias

RTR porscha video-livestream dal derbi da hockey engiadinais

Cuiria, ils 21.01.2015 – **Premiera sportiva tar RTR Radiotelevisiun Svizra Rumantscha. Per l'emprima giada emetta RTR sonda, ils 24-01-2015 a partir da las 16:45 in video-livestream dal derbi da hockey engiadinais a San Murezzan sin rtr.ch.**

Dapi onns dat RTR paisa speziala al sport regional. Uschia è la reportascha live dal derbi da hockey engiadinais dal Club da hockey Engiadina encunter l'EHC San Murezzan ina part integrala dal sport al radio. Sonda dentant scriva RTR Radiotelevisiun Svizra Rumantscha in zic istorgia cun emetter per l'emprima giada il derbi engiadinais direct en il video-livestream sin rtr.ch.

L'equipa tecnica furnescha maletgs, ils reporters Anna Caprez, Reto Mayer e Roman Dobler commenteschan il giu ed en las pausas fan els intervistas. L'offerta vegn cumplettada cun in live-ticker sin rtr.ch e cun inserts directs en il program dal Radio Rumantsch.

Program EHC San Murezzan vs. Club da hockey Engiadina RTR:

24-01-2015	Da vesair ed udir il giu online sin rtr.ch cun video-livestream a partir da las 16:45 fin a la fin dal giu
	Radio Rumantsch: contacts directs cun ils moderaturs da sport tranter las 17:00 – 19:00
25-01-2015	Best of dal giu sin rtr.ch

Dapli infurmaziuns:

RTR Radiotelevisiun Svizra Rumantscha

Gian Ramming, schefredactur RTR | tel. 081 255 75 75 | e-mail: gian.ramming@rtr.ch